



## RESOLUCIÓN DA SELECCIÓN DE PROXECTOS DO FONDO DE PROXECTOS CULTURAI XACOBEO 2021

Modalidade: Dinamización da lingua galega, do patrimonio cultural e de proxectos editoriais, literarios e expositivos

### I ANTECEDENTES

1 Mediante a Resolución do 22 de maio de 2020, da Secretaría Xeral de Política Lingüística da Consellería de Cultura e Turismo, aprobáronse as bases para presentar creacións culturais, bens ou servizos de consideración análoga, coa finalidade de configurar un fondo de contidos creativos de interese cultural e artístico, lingüístico e turístico denominado Fondo de proxectos culturais Xacobeo 2021(Fondo X21).

2 O anuncio da convocatoria e as bases publicáronse na páxina web da Secretaría Xeral de Política Lingüística o 23 de maio de 2020 para que as persoas destinatarias presentasen as súas iniciativas que, segundo a base 9 da indicada convocatoria, son as persoas físicas ou xurídicas que teñan plena capacidade de obrar e que non estean incursas nalgunha prohibición de contratar, que teñan domicilio fiscal na Comunidade Autónoma galega e que acrediten que as actividades profesionais das persoas físicas ou o obxecto social das persoas xurídicas inclúen a xestión cultural e/ou artística, en concreto:

- a) Empresas culturais e/ou artísticas
- b) Cooperativas culturais e/ou artísticas
- c) Entidades ou institucións privadas de carácter cultural e sen ánimo de lucro que contén con persoal empregado nas súas estruturas organizativas
- d) Profesionais do sector cultural e artístico galego

### II CONSIDERACIÓNS TÉCNICAS E XURÍDICAS

1 A base 12 da convocatoria prevé que a selección de proxectos será realizada por unha comisión técnica de análise integrada por tres persoas expertas designadas





pola persoa titular da Secretaría Xeral de Política Lingüística da Consellería de Cultura e Turismo para cada modalidade das previstas nestas bases.

2 O día 27 de maio de 2020, mediante un acordo do secretario xeral de Política Lingüística, nomeáronse as persoas técnicas que integran as tres comisións técnicas das tres modalidades do Fondo Xacobeo 2021. Na primeira das tres modalidades inclúiranse os proxectos musicais, audiovisuais e de artes escénicas. Na segunda terán cabida os proxectos para dinamizar a lingua galega, o patrimonio cultural e os proxectos editoriais, literarios e expositivos. A última das modalidades está dirixida ao ámbito xacobeo, turístico, xeográfico, paisaxístico, gastronómico e de usos e costumes sociais.

A convocatoria prevé que os proxectos seleccionados se publicarán periodicamente para cada modalidade mediante unha resolución do secretario xeral de Política Lingüística na web [www.lingua.gal](http://www.lingua.gal). Nela indícarase, por orde de prelación, a puntuación obtida por cada proxecto seleccionado. Tamén se publicarán os proxectos non seleccionados e, de ser o caso, os motivos de desistencia ou rexeitamento.

A publicación dos proxectos seleccionados non xerará dereitos económicos en favor das persoas interesadas ata que se formalice a adxudicación administrativa e, de ser o caso, o contrato correspondente, de acordo coa normativa contractual que resulte de aplicación.

En virtude do exposto, e de acordo co informe de valoración de cada proxecto e o protocolo de actuación do 1 de xuño de 2020 da comisión técnica de análise dos proxectos para obxectivar os criterios de selección,

#### RESOLVO:

1 Seleccionar os proxectos da modalidade de Dinamización da lingua galega, do patrimonio cultural e de proxectos editoriais, literarios e expositivos que a continuación se indican e, así mesmo, iniciar os trámites para a súa contratación:





SOLICITANTE	OBXECTO / TÍTULO	FORMATO	ORZAMENTO
NÓS TELEVISIÓN SL	“Terras de fraternidade”: 2 audiovisuais para afondarmos no vínculo lingüístico e social entre Galicia e Portugal	DIXITAL	5.458,31
MAGÍN BLANCO GARCÍA	6 pases e estrea do espectáculo <i>O que levamos nas maletas</i> de Magín Blanco	PRESENCIAL / MATERIAL	4.000,00
REAL ACADEMIA GALEGA	Creación de contidos para o Portal de Toponimia de Galicia e xestión na APP “Galicia Nomeada”	DIXITAL	10.000,00
SIRGO TORCENDO SL	“Chegar a Galicia, chegar ao mundo”: Edición de 7 vídeos con pezas de lírica galego-portuguesa e cantos de peregrinos para difusión en liña	DIXITAL	9.855,45
CAPICUA 360 SL	“Reinventar o mundo”: 8 obradoiros infantís para reflexionar sobre como salvar o planeta e edición de 1.000 exemplares do álbum ilustrado coas creacións	COMBINACIÓN DE AMBOS OS FORMATOS	10.000,00
ADEMAR SILVOSO ABAL	Vídeo viral coa finalidade de fomentar o galego entre a mocidade	DIXITAL	4.000,00
CEO ABERTO SL	Realización de espectáculos e obradoiros científicos en galego ligados a Festiciencia e Festiletras	PRESENCIAL / MATERIAL	9.922,00
SHEILA GARCÍA PRADO	<i>Hábitat</i> : Dicionario visual en formato dixital sobre urbanismo, arquitectura e da paisaxe, dirixido á infancia	DIXITAL	3.995,72
ANA SEOANE SUÁREZ	“Das musas ao teatro”: publicación dixital dedicada ao público infantil	DIXITAL	3.892,57
GRUPO DE COMUNICACIÓN Y DISEÑO LUDICA7 SL	Exposición virtual “Galicia e o vento” a través da plataforma PeopleartFactory.com (Vimeo): a historia socioeconómica e cultural de Galicia contada a través da influencia do vento	DIXITAL	3.650,00
NOENTE PARADISE SL	Proxecto editorial que conxuga literatura, música e vídeo. Inclúe a edición do libro-CD <i>Foliada na vila</i> , do que se entregarán 300 exemplares á Xunta, e a realización dun videoclip	COMBINACIÓN DE AMBOS OS FORMATOS	7.915,00
MANUEL ÁNGEL PENA VILLAR	<i>Aleida. Cruzada</i> : Banda deseñada de intriga e aventuras para o público infantil ambientada durante a construción do Pórtico da Gloria	PRESENCIAL / MATERIAL	3.989,30
FUNDACIÓN CURROS ENRÍQUEZ	Semana de Xornalismo e Fotografía Analóxica “Un rolo de fotos”	PRESENCIAL / MATERIAL	10.000,00
HÉRCULES DE EDICIONES, SL	Oferta de libros (6 títulos, 910 exemplares)	PRESENCIAL / MATERIAL	9.946,88





SOLICITANTE	OBXECTO / TÍTULO	FORMATO	ORZAMENTO
JOSÉ LUIS TEÓFILO COMUNICACIÓN SL	<i>Nós arredor de nós</i> : estoxo con 4 libros en homenaxe á Xeración Nós, con motivo do 100.º aniversario.	PRESENCIAL / MATERIAL	10.000,00
ZANCALINO PRODUS	Cinema ao aire libre ou en interior con 5 proxeccións (con debate posterior) do documental <i>A última viaxe do afiador</i> e un museo móbil	PRESENCIAL / MATERIAL	9.401,70
DENÍS GÁNDARA PUMAR	Libro <i>Cemiterios egrexios e tumbas de poetas</i> : coñecemento do noso patrimonio funerario (300 exemplares)	PRESENCIAL / MATERIAL	4.000,00
MARÍA MEIJIDE FRAGA	Edición dun caderno de viaxe en formato desdoblable <i>Galipop</i> , unha peza pop de deseño e pintura sobre Galicia (500 exemplares)	PRESENCIAL / MATERIAL	4.000,00
ARRAIANOS PRODUCIÓNS	<i>Carvalho Calero sen fronteiras</i> : Proxecto editorial que propón un percorrido divulgativo pola vida e obra de Ricardo Carvalho Calero a través dun relato fotobiográfico en primeira persoa (2.000 exemplares)	PRESENCIAL / MATERIAL	9.672,00
SGRAF ARTES GRÁFICAS SL	"Contos de animais para nenos": 2 libros para aprender a respectar os animais dun xeito divertido (800 unidades)	PRESENCIAL / MATERIAL	10.000,00
LAURA COSTOYA SANTOS	"A increíble historia do galego Cristovo Colón: de Poio a Baiona": proposta divulgativa sobre as diversas teorías que demostran que Colón era galego (8 charlas, exemplares do libro <i>Portosanto</i> e vídeo)	COMBINACIÓN DE AMBOS OS FORMATOS	3.993,00
VILARPIÑEIRO SL	O Camiño, saúde, pan e viño, libro que guiará a/oviaxeira/o durante o Camiño de Santiago con consellos de mantemento físico, gastronomía e ilustracións (1.000 exemplares)	PRESENCIAL / MATERIAL	10.000,00

A partir da publicación desta resolución na páxina web e dentro do ano natural 2020, as persoas solicitantes dos proxectos seleccionados, segundo a relación prevista no parágrafo anterior, recibirán unha notificación formal da resolución de adjudicación da persoa titular da secretaría xeral de Política Lingüística. Nela, indicaráselles as características esenciais para a adquisición das creacións culturais, lingüísticas e/ou artísticas e/ou dos bens culturais seleccionados e, igualmente, as condicións para a execución doutros servizos; e, así mesmo, de ser o caso, o prazo previsto para formalizar o contrato correspondente e a forma de facturación e de pagamento. logo da correspondente xustificación.





2 Desestimar os seguintes proxectos:

SOLICITANTE	OBXECTO / TÍTULO	ORZAMENTO	PUNTUACIÓN CALIDADE (mínimo 35 puntos de 75)	CAUSAS DE DESESTIMACIÓN	FORMATO
IRMA MARÍA LOUREIRO NEIRA	"Recunchos de Mondoñedo no Camiño Norte": Exposición fotográfica permanente	4.000,00	30,00	Puntuación insuficiente	PRESENCIAL / MATERIAL
CONTIDOS E MENSAXES SL	<i>Boas noites, Compostela</i> : Libro de fotografías nocturnas da cidade de Compostela (500 exemplares)	10.000,00	30,00	Puntuación insuficiente	PRESENCIAL / MATERIAL
DAVID BARRO LÓPEZ	"2020 Galicia. Cartas de pintura": Publicación de 20 textos inéditos, con forma epistolar, sobre 20 artistas claves da pintura galega	4.000,00	34,00	Puntuación insuficiente	PRESENCIAL / MATERIAL
HILARIO PÉREZ LOUZA O	"Orgullosos do Camiño": Exposición fotográfica que amosa o Camiño de Santiago como espazo aberto a todas, sen importar xénero, cor ou identidade afectivo-sexual	4.000,00	32,33	Puntuación insuficiente	COMBINACIÓN DE AMBOS OS FORMATOS

3 Excluir os seguintes proxectos:

SOLICITANTE	OBXECTO / TÍTULO	ORZAMENTO	CAUSAS DE DESESTIMACIÓN	FORMATO
ATENE O DE SANTIAGO	"Ateneo Radio": emisora en liña sen ánimo de lucro, dedicada integramente á vida sociocultural de Compostela	10.000,00	Contidos non axustados ás bases	DIXITAL
FUNDACIÓN DARDO INSTITUTO DO DESEÑO E DAS ARTES CONTEMPORÁNEAS	Publicación de <i>A muller na historia do deseño</i> , percorrido histórico internacional co obxecto de abri rle as portas ao deseño galego	10.000,00	Contidos non axustados ás bases	PRESENCIAL / MATERIAL
AGAL ASOCIACIÓN GALEGA DA LINGUA	O portugués a camiño: Curso en liña de lingua portuguesa para galegos/as (nivel A2, 50 horas)	10.000,00	Contidos non axustados ás bases	DIXITAL





**XUNTA DE GALICIA**

CONSELLERÍA DE  
CULTURA E TURISMO

Secretaría Xeral de Política Lingüística

galicia

A presente resolución esgota a vía administrativa e as persoas interesadas poderán interpoñer un recurso potestativo de reposición ante a persoa titular da Secretaría Xeral de Política Lingüística, segundo o disposto nos artigos 123 e 124 da Lei 39/2015, do 1 de outubro, do procedemento administrativo común das administracións públicas (BOE do 2 de outubro de 2015), ou ben interpoñer directamente un recurso contencioso-administrativo ante o Tribunal Superior de Xustiza de Galicia, no prazo previsto legalmente.

Santiago de Compostela, na data de sinatura dixital deste documento

O secretario xeral de Política Lingüística

Valentín García Gómez



**Xacobeo 2021**

